



## Publicaziuns officialas dils 22-01-2010

---

### Damonda da baghegiar

Nr. 03/2010

Datum da publicaziun: 22-01-2010

Patrun: Anton Flury, Clavadi 193, 7175 Sumvitg

Object: Remplazzar las finiastras vid la casa nr. d'assec 193 sin parcella nr. 3944 a Sumvitg, Clavadi.

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas prote-stas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 22-01-2010

Cumissiun da baghegiar Sumvitg

## Elecziuns communalas 2010

### Uffecis politics che crodan en elecziun

Tenor art. 10 dalla constituziun communal han las elecziuns communalas liug uonn. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dil cussegl da scola,
- e) commembers dalla cumissiun da baghegiar.

Sefundont sin art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zercladur.

### Demissiuns

Persunas che seretilan d'in dils suranumnai uffecis communal ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

### Preavis ed informaziun

#### Abdicaziuns

La gliesta cullas persunas che han demissionau vegn publicada a dretg temps el FUS.

#### Nominaziuns novas

Officials che seretilan buca, valan sco proponi. Ils vischinadis e gruppaziuns da silmeins 15 votants san far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen

ils **15 da mars**. Ils corrispundents formulars san vegnir retratgs tier la canzlia. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 22-01-2010

Suprastonza communalala Sumvitg

### **Alarm d'emproma dallas sirenas**

**Mesjamna, ils 3 da fevrer 2010** han ils alarms d'emproma liug. Igl alarm general vegn fatgs allas 13.30 ed alla 14.00 uras ed igl alarm d'aua allas 14.15 uras. Nus supplichein Vus da prender enconuschientscha da quella informaziun.

Sumvitg, 22-01-2010

Suprastonza communalala Sumvitg

### **Taglia alla fontauna**

Tuts patruns che han giu occupau luvriers jasters naven digl 1 da fenadur 2009 entochen ils 31 da december 2009 ein supplicai da quinter giu la taglia alla fontauna entochen **la fin dil meins schaner 2010**. Plinavon ei igl importo dalla taglia da pagar enteifer 15 dis alla cassa communalala.

Sumvitg, 22-01-2010

Administraziun communalala Sumvitg

### **Marcas da tgauns 2010**

Tenor lescha communalala da taglia ei da prestar per mintga tgaun sur treis meins ina taglia. Libers da quella taglia ein sulettamein:

- a) tgauns da polizia
- b) tgauns da lavinas
- c) tgauns da tschocs e suords

Il possessur ei obligaus d'annunziar ses tgauns alla vischnaunca. La taglia ei da prestar tier la retratga dalla marca. Quella sa vegnir retratga naven d'immediat entochen **ils 15 da fevrer 2010** tier la canzlia communalala.

**La taglia importa annual: 75.00 frs. per igl emprem tgaun  
200.00 frs. per mintga ulteriur tgaun el medem tenercasa**

Sumvitg, 22-01-2010

Administraziun communalala Sumvitg

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 22-01-2010

Departament stradal

### **Preavis pass 2010 (pass biometric)**

Naven digl 1. da mars 2010 vegn mo pli il niev pass 2010 tschentaus ora. Tgi che vul aunc empustar in pass 2003 (senza datas biometricas) ni in pass 2006 ei supplicaus da far quei avon ils 15 da fevrer 2010. **Naven dils 15 da fevrer 2010 entochen igl 1. da mars 2010 san negins pass vegnir produci!** El cantun Grischun vegn ei el futur a dar quater centers per tschaffar las datas biometricas per ils novs pass. All'entschatta ei previu in center a Cuera ed in ell'Engiadina. Ulteriuras informaziuns suondan.

Per eventualas damondas stein nus secapescha bugen a Vossa disposiziun.

Sumvitg, 22-01-2010

Administraziun communal Sumvitg

### **Corporaziun d'alps Sumvitg**

#### **Radunonza generala**

**Gievgia, ils 28 da schaner 2010 allas 20.00 ell'ustria Miraval a S. Benedetg.**

#### **Tractandas:**

1. Beinvegner ed appel
2. Elecziun da dus dumbravuschs
3. Prelecziun dil protocol
4. Rendaquen 2009 a) Rendaquen  
b) Rapport dils revisurs ed approbaziun
5. Fixar taxas 2010
6. Midadas ordinaziuns
7. Elecziuns
8. Ulivaziun dallas alps
9. Project Crapner
10. Pastiras da mises
11. Investiziuns
12. Orientaziuns
13. Varia

Cordialmein envida *la suprastanza*

### **Sera da scursalar Via Puzzastg–Surrein**

Sonda, ils 30 da schaner 2010 naven dallas 19.00 tochen allas 22.00. Autobus carreschan naven da Giachentrina. Ina pintga bar porscha als presents entgins sitgs. Segirada ei caussa da mintgin. Capellina e cazzola da sac ein giavischadas.

Cordialmein envida Sumvitg Turissem

### **Pro Senectute Surselva: Niev! Sault a Sumvitg**

Il proxim sault per seniors e senioras ha liug:

Datum: **Venderdis, ils 29 da schaner 2010**

Temps: 14.00–18.00 uras

Liug: Ustria dalla staziun a Sumvitg

Musica: Capella Fadära

Sclariment: Ludivina Candinas-Collenberg, 7175 Sumvitg, tel. 081 943 19 22

### **Pro Senectute Surselva Neu! Tanzveranstaltung in Sumvitg**

Der nächste Tanzanlass für jung gebliebene Senioren und Seniorinnen ist am:

Datum: **Freitag, 29. Januar 2010**

Zeit: 14.00–18.00 Uhr

Ort: Ustria dalla staziun in Sumvitg (direkt beim Bahnhof)

Tanzmusik: Kapelle Fadära

Auskunft: Ludivina Candinas-Collenberg, 7175 Sumvitg, Tel. 081 943 19 22

### **Controlla gratuita d'apparats d'udida en Casa S. Martin, Trun**

Mira sut Trun

### **Biblioteca Trun**

Mira sut Trun

### **Biblioteca populara, Mustér**

Mira sut Disentis/Mustér.